

黔南叢書

第四集第九冊

默南叢書第四集

早珠司

據鄧氏成都刻本校印

自序

余舊爲詩皆館式當官然也出外並此遂廢其創爲詞
自交鄧休庵胡玉津始兩君篤於詞牽率以爲多什然
無專工者後乃交趙香宋侍御侍御言詞不傳無意之
色以幽心爲主期於宋人深求之過以陳西麓周草窗
相誘進余固笑不自信也侍御遂與宋問琴前輩甄錄
若干篇而子慶祺不請妄以付刻要非初意也吾黔貴
定山中有牟珠洞奇詭獨絕余老矣泊乎無寄時時有
鄉關之思侍御曰是宜名詞鄧潛自敘時年六十九

牟珠詞

黔南叢書第四集

貴陽鄧

潛華溪

原名維琪

瑞鶴仙

孫白谷遺硯爲趙劍川觀察題

寒圭烟露泣是補天膽塊丹心如見邊才數公健奈秦

雲似墨催軍傳箭潼關血戰怕鸛暈流枯淚眼吐星虬

夜檄宵飛大好雪聲堂伴流轉偷生田海賣卜橋亭

倚樓人怨紅絲在案磨不盡赤眉傳占蒼山一角雁門

秋色魂去尙書未遠配君家故物東方紫雲一片

鷓鴣天

燭

高照紅妝午夜春月兒沈處醉花晨一枝隱惜巴山雨
孤負西窗翦翦痕龍抱柱蠟堆銀暗中心事點時存
如何身作光明佛不照逃亡屋裏人

前調

不信流光偏歲除紅箋題處墨痕枯殘篇夏正煩箋注
變相鍾馗入畫圖詩閣筆酒傾壺衰年情味蓼兼荼
春心拼共梅花冷轉恐梅花冷不如

醉思凡

北來友人勸予
出仕戲書示之

歌筵舞筵鶯喧燕喧纏頭一擲金千問誰家少年

寒枕寒香殘漏殘春風桃李嫣然撇花枝獨眠

滿江紅

贈陳石甫少尉

滴乳寒巖共西麓幾回消夏重把袂那堪提起廿年前
話雪後騎驢詩苦瘦水邊射鴨官無價算何如變姓隱
吳門梅仙亞療貧策生難畫夢華錄愁同寫唱鷓鴣
天曲寄人檐下歸信枉憑青鳥遞好春忍聽黃鸝罵只
君來剝啄許開門餘都謝

賣花聲

菜花

一壩娟黃明夜雨雛晴午風千明雜蜂聲妝點牧童春

滿袂香粉零星 花發漸催耕野態
山情瑤簪無分上
娉婷配得農家金色界
麥隴青青

百字令

秋雁

一繩秋信又粧樓過也
半空嘹唳歲歲西風吹客夢
偷寫數行斜字花艷來紅蘆
銜淺白夜耿人無寐舊巢何
處幾聲羌笛風裏應念鳳泊
鸞飄書空咄咄怪絕而
今事說甚瀟湘菰米味水碧
沙明何地月黯南飛雲迷
北嚮灑盡孤臣淚春明踏雪
爪痕依約能記

高陽臺

某學使按試鄱州其夫人寄
紅袂與之即告歸和休庵

雲幔兜香星輶鞋月天涯多少離愁雙照何時枕中便是鄜州一箋燕子親銜到道相思盼斷庚郵寄訶梨人影衣香貼近溫柔沈郎定也腰圍瘦比宋家半臂別樣風流染透胭脂深深曾護雞頭密將繡段傳私語好歸來眉史仍修莫孤他摺暈斑痕重熨薰篝

滿江紅

懷偏戲

鮑老郎當又幻出犁軒新戲被暗裏紅絲一縷盡情牽繫取影須防燈炷暗傳聲翻借簾衣蔽待看他小步蹴金蓮虛無地桃梗客生同寄橘枰叟閒多事算登場

搬演半生隨意刻木誰留真面在入幃高挂藏身計歎
眼前多少出臺人俳優技

前調

汗巾

熱透芳心揩不斷情多於水便生就清涼無汗淡紅將
洗密密暗將裙帶解星星點上金訶膩論相親褪到小
蠻腰郎難睨螺黛濕須重理青鳥去休銜起問當年
題帕可知儂意酒暈生防魚鱗淚痕莫誤鮫綃漬贈
檀郎換貼滿身香花前祕

水龍吟

水車

人間也學阿香雷車轉轉秧塍午劈流山澗石梁騎處
先安雙礎越浪生花巫濤迴峽滿槽飛雨聽數聲鶉軋
村墟遠近渾誤認春江艣老去家鄉夢阻記山坳規
筒分注大田龜坼連番轆轤綠含烟畝似此奔波輪迴
不定替人辛苦問幾時生角天寒水落荷鋤歸去

燭影搖紅

壬子九月辟地至渝

杜子生涯草堂薄計都難守月明今趁鵲南飛魂落空
弦候且當遊山載酒唱巴歌蓉江放溜藥闌延客花市
嬉春幾時能够叢菊吹香算程剛過重陽後轉頭妖

鳥夜空啼秋老人同瘦賃得烟畦半畝也偷閒梅花種
就海天遙望蜃市青紅劍光龍吼

聒龍謠

西洋留音機器

若有人兮呼之欲出宛轉聲情都肖掐到音波絕技西
來巧開銀鑰融蠟盤圓接玉管旋螺鍼小感江南舊識
龜年也同向曲中老閒庭裡廣場邊併絲與竹肉分
明兼到休黏粉汗怕紅腔變了許遙聽不許圍看莫再
憶京華風調待歌殘啞樂同班巾箱貯好

滿江紅

六十初度自題小影

甲子平頭記人指黃驄年少忽滿鏡新霜全換恆河天

曉柯爛棊秤看打劫圖傳笠屐誰臨稿聽今朝一曲鶴

南飛慚同調塵世味嘗荼蓼故山夢尋壺嶠喜夕陽

無限映紅萱草

像侍老
親側

另眼天將癡福界前身月認圓

光好怕虎賁貌似總非真中郎老

買陂塘

細妓

架飛梁舞絙斜挂花梢穿過長短驚鴻掠影扶搖上錯
認躡空紅線身屢顫似戲踏秋千絡索西墻畔雙丸手
轉只驚足翹時蝶裙開處生怕峭風扇唐梯技記否

前朝歡宴教坊今已雲散竿頭百尺虛無地壓倒掌中
飛燕香骨軟看靨暈紅潮屏氣防嬌喘癡情一縷正何
事干卿漢陰相況抱甕一溪灌

臺城路

送楊次典太史旋播

計程夢已隨君遠千山萬山黔路贈縞新歡大羅前夢
幾箇銅駝街聚萍蓬舊侶正團雪繙時亂雲迷處唳鶴
聲聲望鄉心挂夕陽樹情知離合不免奈非時燕雁
相背飛去北里傳杯西窗翦燭忍話巴山殘雨留君不
住算歸及秋期菊花爲主感我無家錦官愁杜宇

笑賀新涼

送藏

人辭筆墨真如清風飄飄又

歇了秋千戲步輕輕迴廊轉過暗藏花底又恐花枝遮
不住低把湖山石倚更結束杏紅衫子怪底茜裙偏逗
露研金邊時被風掀起防女伴驟來矣人間詭密多

如此到而今尋聲避影猜防無計請看羣嬉描小樣有
個雛鬟偷指悄說到那廂纔是隔著晶簾偷瞥見影姍
姍潛繞苔堦避忙捉住笑難止

鳳凰臺上憶吹簫

題

寒煙漸淡對涼水綠長對

俊不成愁靈偏帶優愁愁大士前生妙雛鴛作態乳燕

調情那得癡騃賣去堆笑處孩意天成頑皮甚含羞避
影不像寒僧卿卿大方家數卻逐樣新妝格外妖精
只寶兒出世生性嬌獐逗出通犀一點相思味紅豆星
星瓜兒樣心中有心絕世聰明

前調

蝶

倚枕慊慊偎衾戀戀夢醒猶自惺忪似梨花一樹瘦盡
東風莫爲宵來病酒驚起晚雲鬢還鬆腮渦俊困人天
氣無語雙紅朦朧鏡臺展畫看倦影楊妃也似阿儂
笑柳眠花韞春比人慵道是真成散漫殷勤處暗又情

通支頤久羞郎爲郎各會心中

前調

呢

甜似餳黏縫如鈿合泥團捏作春人幻爐煙雙裊一氣
難分爾汝喁喁私語勾郎問欲吐還吞意兒下纔梭媚
眼又貼輕身情親不經意處多半是佯羞半是微嗔
更背燈偎傍泥酒溫存贈答相憐形影形影外別有前
因將心換羅衣怕寒纖手雙捫

沁園春

題胡玉津奇礪園圖

石筍傳家一畝之宮賦歸去來自蜀山秦樹勞生宦迹

桑田滄海歷劫詩才笥里依然瓜廬宛在五柳園堪慰

老懷

宋胡仲連
居五柳園

壺中隱就藥園花淑次第安排

雲胎

萬綠封苔便磊砢嶽崎名小齋更米顛同癖百城書擁
到公留樣幾樹梅栽伯始餘生輞川縮本風景天然圖
畫開吾何事共蒼洲擲笛茵閣銜杯

瑣窻寒

紙窗

冷布紋斜燒玻性脆一般明亮張張帖補別喚雙丫勾
當儘尋香遊蜂誤鑽路迷時打疏樞響配蘆簾挂處香
山居士苦吟模樣珠幌延秋爽印一幅空明月兒初